



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

II. In quo consitat hæc particularis bonorum operum Communicatio?

[urn:nbn:de:hbz:466:1-64293](#)

& alia ipsius opera, per Bullam incipientem, *Placuit nobis, &c.* Quid autem, & quomodo haec specialis Communicatio non sit superflua, sed magni momenti & utilitatis, patebit ex mox, & infra dicendis,

CAPUT II.

Quid sit haec particularis bonorum operum Communicatio?

I 90.

Justi per sua bona opera sibi metiphs promereri possunt augmentū gratiae & glorie, ac vitam æternam.

Et proximis compura, tum temporalia, tum spiritualia bona.

Dnplex datur meritum, scilicet de condigno & de congruo;

SUPPONENDA sunt nonnulla ad faciliorem hujus questionis declarationem. PRIMO Viros justos sine in gratia constitutos, per sua bona opera, & secundum quod procedunt ex gratia Spiritus Sancti, promereri sibi verē & propriè augmentum gratiae, & vitam æternam. Hoc ita est certum, ut sit de fide, definitum novissime in Concilio Tridentino, Sess. 6. Cap. 6. & Can. 26. & 32. ubi sic habetur. *Si quis dixerit hominis Iustificati bona opera ita esse dona DEI, ut non sint etiam bona ipsius iustificati merita; aut ipsum Iustificatum bonis operibus, que ab eo per DEI gratias & IESV Christi meritum, cuius vivum membrum est, sint, non vere merita augmentum gratiae, vitam æternam, & ipsius vita æterna, si tamen in gratia cesserit, consecutionem, atque etiam glorie augmentum; anathema sit.* Propter autem haec omnia, quæ justi sibi ipsis promerentur, per sua bona & supernaturalia opera, possunt etiam per eadem opera alijs multa dona spiritualia, & temporalia bona promereri; v. g. gratum conversionis, quā mediante alter, si est in peccato feso convertat ad DEUM; augmentum gratiae, quo magis sanctificantur justi in hoc mundo; præservationem à peccatis, virtutum acquisitionem, vitium extirpationem, salutem corporalem, bonorum temporalium, ac prolium adeptionem atque conservationem, liberationem à periculis hujus vitae, sicuti per merita Abraham Dominus liberavit, & multa alia, quæ potissimum ad vitam æternam consecutionem spectant, ut communiter tradunt Doctores in 1. 2. q. 114. & in 2. d. 3. ¶ 36.

SECUNDO supponendum est, aliam esse rationem meriti, quis per bona opera sibi ipsi meretur, aliam vero quā alijs. Si enim meretur merito, ut ajunt Theologi, *de condigno:* alijs vero *de congruo.* Meritum de condigno est meritum *Justitiae*, meritum vero

de congruo, est meritum amicitiae. Quia enim homo, inquit S. Doctor, l. 2. q. 114. a. 6. (& nos prima hujus Operis parte, latius explicavimus,) in gratia constitutus implet DEI voluntatem, congruum est secundum amicitiae proportionem, ut DEVS implete hominis voluntatem in salvatione alterius; licet possit quandoque habere impedimentum ex parte illius, cuius aliquis Sanctus justificationem desiderat, iuxta Jerem. 15. Si steterint Moyses & Samuel coram me, non est anima mea ad populum istum.

Relicto itaque merito de condigno, de quo in praesenti nulla erit quæstio, supponendum est TERTIO, meritum de congruo habere suam latitudinem: id est, tametsi nullum meritum de congruo, quantumvis magnum, quoad rationem debiti, possit pervenire ad rationem meriti de condigno; attamen unum meritum de congruo potest excedere aliud in perfectione, ratione personæ, loci, modi, temporis & aliarum circumstantiarum. Explicatur hoc: apud aliquem Principem v. g. efficacius meretur, & facilius obtinet aliquis pro altero gratiam, qui majoris est apud eundem Principem amicitiae, qui pro uno solo petit, quam qui pro multis, qui pro multis determinatè, quam qui in confusione, qui ferventer & obnoxie roget, quam qui tepide aut frigide; ita apud DEUM efficacius meretur in hoc mundo pro altero quocunque donum sive temporale, sive spirituale, ille qui est majoris sanctitatis, & apud DEUM amicitiae ac gratiae: ille, qui pro uno solo, vel pro multis determinatè petit: ille qui ferventer & non frigide instat: ille qui perseveranter die ac nocte pulsat, quam qui interrupte; & ita de alijs circumstantijs. Et ratio est, ut loco citato ex Sancto Thoma innuimus: quia meritum de congruo, est meritum secundum amicitiae proportionem, in qua varij gradus & differentiae reperiuntur, ut per se patet & constat.

Supponendum QUARTO, viros justos non solum posse mereri apud DEUM pro alijs, eo modo, quo mox diximus: verum etiam posse per eadem bona opera satisfacere pro alijs; licet enim in justificatione, homini una cum culpa remittatur pena æterna, sæpiissime tamen restat adhuc temporalis aliqua pena persolvenda: uti definitum est in Concil. Trident. contra hereticos nostri temporis, vel in hoc mundo, qualiter David persolvit penam temporalem, per mortem filii ex Bethabæ geniti, tametsi commissum adulterium & homicidium esset ei remissum; vel in altero, & quidem acerbius

& quomo-
do ab in-
vicem diffe-
rant?
Videantur
supra l. p.
cap. 13. §
14. à nobis
dicta de
hac mate-
ria.

Nullū me-
ritum de
congruo,
quantum
vis magnū
attingit.
perfectio-
nem meri-
ti de con-
digno.

Eit tamen
unum me-
ritum de
congruo
altero ma-
jus & per-
fectius, ex
varijs cir-
cumstan-
tijis.

Illi non
modo pro
alijs mere-
ri, verum
etiam sa-
tisfacere
queunt,

191.

per

Mm 2

per ignem nimirum Purgatorij. Viri igitur justi, sive in gratia constituti, possunt per sua bona opera etiam satisfacere DEO pro pœna illa temporali, quæ remanet post peccatum remissum, non solùm pro se, verum etiam pro alijs, non quomodo cunq; sed ita, ut certò & fallibiliter illa bona opera prosint ijs, pro quibus satisfaciunt; probabilius quippè est satisfactionem hujusmodi, non tantum esse per modum impetratio[n]is & meriti de congruo, sed etiam de condigno & ex justitia. Ita latissimè Navarr. in *Tract. undec. miscell. de psalmis beatiss. Virg. num. 2.* pro qua doctrina assert D. Thom. in 4. *diss. 45. art. 1. questio[n]e. 4.* & alios Doctores: idem docet Suarez in 3. *Tom. 4. d. 48. sect. 3. n. 10.* & Valentia 3. part. *diss. 7. q. 14. para[n]d. 3.*

Hoc probatur ac declaratur.

Quod verò unus pro altero satisfacere possit, sive suorum bonorum operum satisfactionem, prout satisfactio est, in alterum transferre, communis fert sensus Fidelium, in Catechismo Romano, ad elem[m]entum tractationis de penitentia *Sacramento num. 61.* luculenter expressus; non modo, si satisfaciens non egeat eo fructu (ut sancti pleriq; Sancti non egent) verum etiam [quod minus bene negat. *Navarrus miscell. 11. de orat. quest. 10.*] quamvis ipso satisfaciens eo egeret: quia carentia reatus, ad quam per suam satisfactionem sibi servatam possit pertingere, non est bonum aliquod, quo homo in æternum fraudandus sit: imò quantum ipsi videtur decidere, communicando alteri premium, quo posset à se amoliri illud debitum, tantum sibi prouidit quoad meritum gratiæ & gloriæ, quod est longè pretiosius. Atq; ita eximitur labore prodigalitatis & inconsultæ charitatis, qui notandum videretur, juxta nonnullorum sententiam, ex eo, quod in simili suo incommodo, potius alteri quam sibi prospicet. Non enim propterea omittit sibi prospicere, cum sic operando consulat commodis suis in alio genere, & quidem prætiosiore. Quid quod non se prorsus spoliat fructu illo tollendi reatum? Nam volitio reflexa, quâ vult operationem suam alteri prodesse, est meritoria aliquæ remissionis pœnae; proindeq; homo in alium transfundens suam satisfactionem, non se prorsus spoliat fructu abstersionis reatus. Et alia parte magnum specimen charitatis edit, præstans se pro alijs dejussorem, quod est exemplum D. Thomæ in 4. *diss. 20. quest. art. 2.* Quamvis enim unusquisq; sit onus suum portaturus, si ipse getur præcisè debitum, quod contraxit delinquendo: tamen si alijs

Justus transfundens in aliū suam satisfactionem non se prorsus spoliat fructu abstersionis reatus sui, & amplius sibi prospicit quoad meritum gratiæ & gloriæ, quod est prætiosus, &c.

ena subventio suffragetur, & quē liberabitur onere quo se gravaverat,
ac si ipsemet satisfecisset.

Nec conditio, quam depositit Richardus in 4. disp. 20. art. 1.
quest. 3. ut satisfactio pro alio sit justa & valida, nimirum ut is, pro quo
satisfit, non possit, per semetipsum satisfacere, est necessaria. Fal-
sum quippè est, quod illi, qui possunt per seipso satisfacere, sint
incapaces pro quibus alij satisfaciant: dummodo enim aequalis fa-
tisfactio offeratur, perinde est, à quocunq; offeratur: quia DEUS
ut charitatem foveret, sanxit, ut satisfactio unius pro alio, admitte-
retur, nec se arctavit ad impotentes pro seipsis satisfacere, (undē
enim id haberi potest?) Falso quoq; Richardus supponit, eum, qui
pro se satisfacere valet, nec satisfacit, non esse verē pānitentem.
Hoc inquam falsum est: nam voluntas aversans & detestans pecca-
tum admissum, & voluntas assumendi pro illo pōnam, non sunt ne-
cessariō connexæ, uti est perspicuum.

Duo tamen sunt necessaria ad legitimam & infallibilem, pro
altero satisfactionem. Primum, ut opera illa bona sint pōnalia, id est,
quæ cum labore & desfatigatione corporis excentur: qualia sunt
asperitas vītæ, abstinentia, jejunia, cilicia, disciplinæ, vigiliæ in
tempus longum protractæ, humi cubatio, crebra oratio, non solùm
vocalis, sed etiam mentalis, quippè quæ sine pugna & resistentia
corporis, & sensuum non sit, juxta illud Ecclesiastæ 12. *Frequens me-
ditatio, carnis afflictio est.* & his similia. Neq; enim quodvis opus no-
strum, eo ipso quod opus bonum & sanctum est, pollet vi satisfac-
toria propriè & pressé dicta: qua scilicet expungendo pōnæ reatu-
sit accommodata: sed is tantum est fructus operis prout laboriosi at-
que pōnalis. Et indē quoq; petitur metrum ac modulus virtutis fa-
tisfactivæ in opere. Si enim opus sit valde pōnale, erit valde fa-
tisfactorium: Si autem sit parcē ac modicē pōnale, non erit nisi le-
viter satisfactorium. Si deniq; nullo modo sit pōnale, nullo mo-
do erit satisfactorium, quæ est receptissima Theologorum Doctrina,
ut videre est apud Torrem Tom. I. in 2. 2. disp. 70. dub. 5. ut ergo
actio nostra sit satisfactoria, & alijs cum fructu queat applicari, ne-
cessit est eam esse pōnalem,

Secundum, quod requiritur ad debitam & infallibilem pro alio
satisfactionem, est specialis intentio seu applicatio particularis illius,

Qui per
semetipso
satisfacere
posunt, nō
sunt inca-
paces alie-
næ satisfa-
ctionis.

192.

Quænam
necessaria
sint ad le-
gitimā pro
altero sa-
tisfactio-
nem?

Opera bo-
na ut sine
satisfacto-
ria debent
esse pōna-
lia.

Utrū quod
vis opus
bonum sit
satisfacto-
rium satis-
factione
propriè di-
cta?

Præterea
debet fa-

satisfactio
talium o-
perum spe-
cialiter al-
teri appli-
cari, ut illi
proficit.

qui communicat opera sua satisfactoria alteri : ita ut , nisi illi applicetur specialiter talis satisfactio , vel nisi recipiatur ad participantum de satisfactionibus certe alicujus personae , seu Communione Congregationis , non proderunt ei talia opera satisfactoria ipso jure & infallibiliter ad satisfaciendum pro suis peccatis. Ita Natura loco citato , asserens hanc esse doctrinam S. Thomæ ab omnibus communiter receptam. Si enim sola applicatio generalis , & quæ procedit ex radice charitatis , sufficeret ad satisfaciendum ipso jure factio pro altero , sequeretur , ut ait Paludanus in 4. *dif.* 45. q. 2. 4. 1. *quaest.* 4. quod omnis peccator eo ipso quod fieret iustus , effector solutus ab omni poena , suis peccatis quoad culpam condonatis , debita : quia ad solvendas hujusmodi penas infinitus meritorum thesaurus est in Ecclesia , cum in eo sit repositus etiam valor meritorum Christi , quæ fuerunt infinita , ut habet *Extravag.* CLEMENTIS Vnigenitus. *de pœnit.* & *remissione* : & ita si ipso facto applicaretur solvendas penas , quas iusti debent , ipso facto , etiam ipsi absolvuntur ab eis , quod est falsum & hereticum.

193.

Specialis
communi-
catio bo-
norum o-
perum co-
sistit in du-
plici illo-
rum valo-
re , merito-
rio , & sa-
tisfactorio.

Hic suppositis dicendum est , speciale hanc de qua agimus meritorum communionem , consistere in duplice valore bonorum operum , meritorio scilicet & satisfactorio , quem quilibet in se bona opera continent. Vnde primò hæc participatio specialis permittit meriti de congruo , seu , quod idem est , per modum impetrationis (licet alij hæc distinguant , putantes neminem posse nisi ipsi mereri , bene autem alijs impetrare ,) plurimum prodere potest participanti. Consistit autem hoc in aliquali dignitate impetratis , vel alteri aliquid , quasi præmium operis , quod dicitur meritorium. Unde eo ipso , quod quispiam est peculiari modo membrum alicujus Religionis , v. g. per *Litteras Filiationis* , merita illius Religionis efficiunt , ut DEUS illorum intuitu , conferat ipsi peculiaria dona & beneficia , tanquam membro talis Religionis.

Habet secundo hæc specialis bonorum operum communiam satisfaciendi pro peccatis alterius , eo modo quo supra diximus ita ut ipso facto applicentur ejusmodi bona opera per modum eisdem compensationis , pro pena temporali alterius ; atque ipso factum absolvitur à pena temporali , non quidem pro toto , inquit S. Doctor in addit. ad 3. p. q. 26. n. 1. nisi tantum determinate pro eo factum.

quantum debebatur; quod non habet illa generalis Communio Sanctorum. Et hoc est, quod Opus. 6. supra citato, dicebat Sanctus Doctor: *qui in Charitate vivit particeps est omnis boni, quod fit in toto mundo: sed tamen specialius illi, pro quibus specialius fit aliquid bonum; nam unus potest satisfacere pro alio, sicut patet in beneficijs, ad que plures Congregationes admittunt alios.*

CAPUT III.

Vtrum sit aliqua specialis Communicatio bonorum operum in Ordine Carmelitarum, & quenam illa sit?

RÆMITTENDUM est ex Doctore Angelico, specialem Communicationem propriè & formaliter esse, quā aliquis vel aliqui applicant sua opera bona familiaribus, & benefactoribus: singularem vero Communicationem esse illam, quā aliquis pro uno determinatè, & in singulari eadem opera applicat. Generalem autem, qua aliquis ordinat opera sua ad bonum Ecclesie in generali. In presenti non est quæstio de hac ultima Communicatione, sed de duabus prioribus, quæ cum sint particulares, comprehendimus ambas sub nomine specialis Communicationis ad evitandam verborum prolixitatem.

DICIMUS ergo existere & vigere hujusmodi specialem communicationem bonorum operum in nostro Ordine Carmelit. prout ex Pontificijs Diplomatibus & statutis Ordinis, infrà patebit. Quo verò tempore incepit hæc meritorum specialis communicatio in Ordine difficile est determinare. Aliqui repetunt altius hanc Communicationem, videlicet, à temporibus S. Elisei Prophetæ; & colligere volunt ex 4. Reg. 4. ubi non obscurè insinuatur, fuisse eo tempore, anno nimurum 3143. ab Orbe condito, in monte Carmelo locum aliquem particularem & sacrum, ubi admittebantur nonnulli solemnioribus anni diebus, non quidem ad sacrificandum, cum id in templo Hierosolymtano solummodo licetum esset, verum ad peculiarē communicationem spiritualem; adeoq; quasi familiares, & Confratres videbantur, & consequenter Carmelitis, qui tunc Filij

194.

In Addit.
ad 3. P.
quæst. 26.
art. 1.
Quid sit
specialis,
quid singu-
laris, quid
generalis
& cæt. eō-
muicatio?
Datur in
Ord. Car-
melit. spe-
cialis bo-
norum o-
perū com-
municatio.
Quo tem-
pore cap-
rit? An à
tempori-
bus S. Eli-
sei Pro-
phetæ?

Pro-